



Broj: 1970/23

Datum: 02.10.2023. godine

Na osnovu člana 64. stav (1) tačka b), člana 70. stav (1), (2), (3) i (6), člana 25., člana 32., člana 98. stav (2) Zakona o javnim nabavkama Bosne i Hercegovine („Službeni Glasnik BiH“ br. 39/14 i br. 59/22), Pravilnika o javnim nabavkama roba, usluga i radova br. 2448/22 od 30.12.2022.godine i br. 481/23 od 17.03.2023.godine, Statuta JP „LOKOM“ d.o.o. Sarajevo (Službene novine KS br. 15/13, br. 47/14, br. 29/18 i br. 3/22), Zapisnika o pregledu i ocjeni ponuda br. 1911/23 od 27.09.2023. godine, Direktor **d o n o s i**

ODLUKU **o izboru najpovoljnijeg ponuđača** **LOT 2**

Član 1.

Prihvata se ponuda prvorangiranog ponuđača ARGON SISTEMI d.o.o. Sarajevo sa sjedištem u Sarajevu, Braće Mulića br. 13, broj: P-190923/001 od 19.09.2023. godine za nabavku usluga: Preventivni i interventni servis parking sistema sa uključenim rezervnim dijelovima – LOT 2 - Preventivni i interventni servis parking sistema „Argon Smart Parking“, putem konkurentskog zahtjeva, u ukupnom iznosu od 18.019,80 KM bez PDV-a, odnosno 21.083,17 KM sa PDV-om.

Član 2.

Izabrani ponuđač se oslobađa naknadnog dostavljanja dokumentacije tražene tačkom 3.1.3 tenderske dokumentacije koja se odnosi na član 45. stav (2) Zakona o javnim nabavkama, obzirom da su iste dostavljene uz ponudu u skladu sa zahtjevima iz tenderske dokumentacije

Član 3.

Za izvršenje ove Odluke zadužuje se Služba za ekonomsko finansijske poslove, marketing i pravne poslove u Sektoru za zajedničke poslove.

Član 4.

Ova Odluka će se uputiti svim ponuđačima koji su učestvovali u postupku javne nabavke i objavit će se na internet stranici ugovornog organa u skladu sa članom 70. stav (6) i članom 71. Zakona o javnim nabavkama BiH.

Član 5.

Protiv ove Odluke dozvoljena je žalba u roku od 5 (pet) dana od dana prijema iste, a koja odlaže izvršenje.

O b r a z l o ž e n j e

Postupak za javnu nabavku usluga: Preventivni i interventni servis parking sistema sa uključenim rezervnim dijelovima, pokrenut je Posebnom odlukom o pokretanju postupka javne nabavke br. 1834/23 od 08.09.2023. godine.

U skladu sa članom 14a. Zakona o javnim nabavkama, prije pokretanja predmetnog postupka javne nabavke ugovorni organ je proveo provjeru tržišta u svrhu pripreme nabavke i informisanja privrednih subjekata u vezi sa nabavkom, o čemu je sačinjena pisana zabilješka o svim radnjama i postupcima i uložena u predmet spisa.

U skladu sa članom 16. Zakona o javnim nabavkama predmetni postupak javne nabavke je podijeljen na lotove prema sličnosti, homogenosti i pripadnosti istoj skupini, odnosno na na 2



(dva) lotova, na način da se ponuđačima omogućava da dostave ponude za jedan lot, i to: LOT 1 - Preventivni i interventni servis parking menadžment sistema proizvođača Designa – Njemačka i LOT 2 - Preventivni i interventni servis parking sistema „Argon Smart Parking“.

Ukupna procijenjena vrijednost javne nabavke iznosi 43.030,00 KM bez PDV-a. Procijenjena vrijednost javne nabavke za LOT 2 iznosi do 19.210,00 KM bez PDV-a. Za ovaj postupak javne nabavke predviđeno je zaključenje okvirnog sporazuma na period od 1 (jedne) godine.

Obavještenje o nabavci i tenderska dokumentacija su objavljeni na Portalu javnih nabavki dana 11.09.2023. godine u 14:50 sati pod brojem: 269-7-2-113-3-43/23, a sažetak Obavještenja o nabavci objavljen je u „Službenom glasniku BiH“ br. 63/2023 dana: 15.09.2023. godine, u skladu sa odredbama člana 11. stav 8. u vezi sa članom 6. stav 3. i stav 4. Uputstva o uslovima i načinu objavljivanja obavještenja i dostavljanja izvještaja o postupcima javnih nabavki na Portalu javnih nabavki ("Službeni glasnik BiH" broj 80/22). Kriterij za dodjelu ugovora je najniža cijena. U postupku je predviđena primjena e-aukcije.

Prema Izvještaju o preuzimanju tenderske dokumentacije od strane ponuđača tendersku dokumentaciju je preuzelo 6 (šest) potencijalnih ponuđača s Portala javnih nabavki zaključno s krajnjim datumom za preuzimanje tenderske dokumentacije.

U određenom krajnjem roku za dostavu ponuda (22.09.2023. godine do 10:00h) blagovremeno je dostavljena 1 (jedna) ponuda, i to ponuda ponuđača: ARGON SISTEMI d.o.o. Sarajevo sa sjedištem u Sarajevu na adresi Braće Mulića br. 13, 71000 Sarajevo koja je zaprimljena kod Ugovornog organa dana 21.09.2023. godine u 09:10 sati.

Komisija imenovana Odlukom direktora za provođenje predmetnog postupka javne nabavke je blagovremeno i pravilno izvršila javno otvaranje ponuda dana 22.09.2023. godine, u sjedištu ugovornog organa JP „LOKOM“ d.o.o. Sarajevo, Halilovići br. 45, 71000 Sarajevo, sa početkom u 10:30 časova i sačinila Zapisnik o otvaranju ponuda koji je uz Zapisnik o zaprimanju ponuda odmah prosljeđen ponuđačima koji su učestvovali u predmetnom postupku javne nabavke u skladu sa tačkom 5.12 predmetne tenderske dokumentacije, koja reguliše način komunikacije između Ugovornog organa i ponuđača. Na javnom otvaranju ponuda nije bilo prisutnih ponuđača.

Zapisnikom o otvaranju ponuda konstatovano je da je ponuda uredno zatvorena, te da je ponuđena cijena u iznosu od 18.019,80 KM bez PDV-a.

Nakon javnog otvaranja ponuda Komisija Ugovornog organa je pristupila pregledu i ocjeni ponuda, te o tome sačinila odgovarajući Zapisnik u kojem je utvrđeno sljedeće: da je blagovremeno zaprimljena jedna (1) ponuda u određenom krajnjem roku za LOT 2, i to ponuda ponuđača: ARGON SISTEMI d.o.o. Sarajevo; da nije bilo neblagovremenih ponuda ponuda; da prilikom računске kontrole u skladu sa članom 17. Uputstva za pripremu modela tenderske dokumentacije i ponuda, u zaprimljenoj ponudi nisu utvrđene računске greške; da u ponudi nisu vršene ispravke; da je pristigla ponuda ponuđača: ARGON SISTEMI d.o.o. Sarajevo ocijenjena prihvatljivom u formalno-pravnom, ekonomskom i tehničkom smislu, odnosno ista je u skladu sa tenderskom dokumentacijom, ispunjavaju kriterije za kvalifikaciju i ne prelazi planirana, odnosno osigurana novčana sredstva ugovornog organa za predmetnu nabavku.

U skladu sa članom 3. stav (1) Pravilnika o uslovima i načinu korištenja e-aukcije, prije zakazivanja e-aukcije ugovorni organ u sistem e-nabavke unosi sve prihvatljive ponude.



Stavom (3) navedenog člana propisano je da se u slučaju prijema jedne prihvatljive ponude e-aukcija se ne može zakazati, nego se postupak okončava u skladu sa članom 69. Zakona o javnim nabavkama.

Komisija ugovornog organa, u skladu sa naprijed navedenim, dala je preporuku direktoru ugovornog organa da nakon razmatranja rada imenovane Komisije razmotri dostavljenu preporuku Komisije i u skladu sa članom 70. Zakona o javnim nabavkama donese Odluku o izboru najpovoljnijeg ponuđača: ARGON SISTEMI d.o.o. Sarajevo sa sjedištem u Sarajevu, Braće Mulića br. 13 u predmetnom postupku javne nabavke po ponuđenoj ukupnoj cijeni u iznosu od 18.019,80 KM bez PDV-a.

U postupku ocjene provedenog postupka, Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke. Izbor najpovoljnijeg ponuđača izvršen je u skladu sa Zakonom o javnim nabavkama, podzakonskim aktima, tenderskom dokumentacijom i internim aktima.

Imajući u vidu navedeno, a u skladu sa članom 64. stav (1) tačka b) Zakona o javnim nabavkama, odlučeno je kao u dispozitivu Odluke.

POUKA O PRAVNOM LIJEKU:

Protiv ove Odluke može se izjaviti žalba Uredu za razmatranje žalbi BiH putem ugovornog organa, najkasnije u roku od 5 (pet) dana od dana prijema ove Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

JP „LOKOM“ d.o.o. Sarajevo
Direktor

Adnan Šabanović

Dostavljeno:

1. Ponuđačima,
2. Službena stranica Preduzeća,
3. Komisiji za javne nabavke,
4. a/a.

